

لاحياة لمن تنادي



كله عايش ف الزبادي

لما أبويا قالولوا دادي

شكله عادي

قول ياهادي،

وقول ياباسط

كل حاجة بجد هاصت

والعوالم رقصونا

والحياة حوالينا لاصت



يبقى قبضك ع المواصله

والكوارث جايه واصلة

ليل طويل مافيهوش مفاصلة

وانت جاي كمان تنادي

وللا بتحرك فؤادي؟

(لاحياة لمن تنادي)

كله كانن مستكين

والقلوب صابها الأنين

والدموع ف القلب ساكنة

من شهور لأ ... من سنين

إحنا مين؟

إحنا أصلا زي قش

دود وعایش جوا مش

مش بعيد لو يدلقونا

ف المجاري بألف وش

إدعي ربك قول ياهادي

(لاهياة لمن تنادي)